

LEGATIO
PERILLUSTRIS
DN. CHRISTOPHORI PRZIEMSKI,
Cubicularii Regis Poloniae,
ad REGEM Sveciae
exposita & peracta COLO^{13.}_{13.} Augusti anno MDC LV.



Har. H. Buchowskiego N^o 1700.

Serenissime Rex, Domine Clementissime.

*M*irari satis non potuit Serenissimus Rex ac Dominus meus clementissimus JOHANNES CASIMIRUS cum Senatu suo, accepto primo nuncio, intrasse exercitum R^a. M^{is}. T^e. Duce VVirtenbergio fines Regni sui. Tum vero superere etiam magis cepit, cum personam R^a. M^{is}. T^e. alio exercitu stipatam advenisse intellexisset. Me igitur tam Serenissimus Rex meus, quam etiam Senatus ad Tuam M^{em}. delegare valuerunt, ut tantum scire possumus, quis ille sit affectus & animi impetus, qui M^{em}. Tuam eousq^{ue} impulerit. Vehementem enim esse oportet, qui nullis hucusq^{ue} mediis, non de pace tractatibus, non legationibus in Sueciam missis, non sanis pactorum & induciarum vinculis cohiberi potuit. Ad iram & indignationem non satis cause videmus. Quod enim tantum facinus vel Rex noster vel Resp. commiserunt, ut tam severa ultione illud vindicare M^{as}. Tua in animum induxerit. Nos, Deo teste, nihil tale scimus. Inducias semel factas semper sanctissime coluimus. Svecis in Germania bellum gerentibus, & rebus nostris pace tum florentibus, licet multoties in societatem belli contra ipsos invitaremur, nunquam publice nocere voluimus: antiquior enim nobis fuit fides semper, quam utilitas. Quod si privati aliqui hostium rebus favebant, multi etiam fuerunt, qui Svecis operam suam navarunt: tot Borussi, Livones, Curlandi, Regni Poloniæ subditi, tum & ipsi Poloni, probati nominis, in vestris castris militarunt. Testis est vel frater meus germanus Sigismundus Przimski, bene M^{is}. T^e. notus, & jam tristi hoc bello nostro à Barbaris nuper extinctus; vel ego ipse, qui non tantum sub signis GUSTAVI illius MAGNI, Arunculi M^{is}. T^e, tyrocinia mea exercui, sed etiam non ita pridem Gallia Regi, Sueco federato, non contemnendam Polonorum manum ad expugnandum Dünkerkum adduxi, nec inanem, ut credo, per biennium operam præstiti. Cancellaria

etiam



177641

I 6

etiam errores, vel alia minutiora, non tanto fuerunt, ut armia
vindicare deberent. Est igitur aliquid aliud. Dicerem, esse cu-
piditatem divitiarum; sed scimus, hoc animi vitium longe à natu-
ra M^{is}. Tuae abesse: & ex Regno tam misero, lacero & de vasto-
to quid jam amplius extorqueri potest? Quidem est, ex quo
Regnum hoc bellis, & quidem atrocissimis, affligitur; & quot
anni, tot vere clades, atq; exercitus, vel celsi vel dissipati, totq; ite-
rum reparati. Quale tandem est imperium, quod tantis calami-
tatibus non succumberet? Quales thesauri, qui non extenueren-
tur? Intraisti, Rex potentissime, provinciam vicinior, majo-
rem scilicet hanc Poloniam, & civitates, ut ab incommodis belli re-
motiores, ita etiam feliciores. Considera miserorum hominum pau-
periem, & inde de aliis locis, qui propius malo sit fuerunt, vel in
quibus bellum geritur, iudica, quantum opere exercitus ex illis dita-
buntur. Nullae hic urbes opulente, non mercatores divites, non
auri vel argenti fodine. Divitiae nostrae annui fructus sunt ex
pecore & campis: quae omnia si ab exercitibus tam M^{is}. Tuae, quàm
nostris, consumantur, agricultura cessabit. Nec ullae unquam con-
tributiones sperandae, imò metuendum, ne nobis & exercitibus tuis
fame sit pereundum. Si igitur nec satis causae ad iram, nec
multum incitamentorum ad cupiditatem M^{is}. Tua habeat, suffi-
cari cogimur, M^{tem}. Tuam alius stimulis adductam, ut nobis bel-
lum inferret: Famam nempe & gloriam, verisimilis humani ingenii
oblectamentis. Sed quae haec gloria? Dum nos cum hostibus im-
manissimis pro salute & vita decertamus, Tu, Rex Potentissi-
me, nos etià armis occupas. Si gloriam vis veram, non vanam
quare: vera autem erit, si aliena non appetens suam cuiq; tribuas.
Rumor est apud nos, velle Te protegere Poloniam. Si hoc est,
protegas gentem contra hostes immanissimos: Populo libero li-
bertatem non adimas: Regi legitime à nobis electo & Tibi san-
guine juncto Regnum serves. Tunc verò Te non pro Protectore,
sed etiam Benefactore habebimus, & Conservatori nostro Tibi
tro-

trophæum erigemus. Majorem inde consequeris gloriam, quam
si maxima Regna tuo amplissimo adjicias Regno. Sed si Regnum
hoc vi & armis M^{aj}. Tua in animum induxis occupare, putatne,
hoc firmum fore imperium, & Sveciæ jungi posse Poloniam?
Disjunctissima sunt hæc Regna: divisit natura mari: dissocia-
vi constitutio imperii & religio: discrepant legibus, moribus,
habitu, lingua: in nulla re sibi hi populi sunt similes, nisi fero-
ciâ, discordiarum omnium fomite. Vix igitur partum imperium
bonis artibus administrari posse, M^{aj}. Tua non speret, sed semper
ad secures & supplicia recurrendum erit. Quæ verò hæc glo-
ria, ex Principe benigno & clementi mutari in crudelem & tru-
culentum Dominum? Aliam ergo, Magnanime Princeps, in-
gredere viam, & nobis parce. Pacem jam petimus, depreca-
mur bellum, &, quid à nobis M^{aj}. Tua postulet, ut aperiat, ro-
gamus: Nos M^{aj}. Tuæ in omnibus satisfacere satagemus. Gra-
dum tantum sistat, cum armis ulterius non progrediat, & de
pace toties oblata nobiscum tractare non dedignetur.